

中華郵政特准掛號認爲新聞紙類

每月三期逢一日出版

民生報

中華民國十一年七月十一日

第三十七期

▲本社徵文廣告

海內名家如有鴻著偉論發揮國計民生道德實業者無論著論譯論本社均極歡迎一經登載必有相當之報酬惟原稿概不退還乞注意

▲本社啓事一

本報除指定各機關外如承各界購閱者祈先將報費郵寄或專訂以便按期寄送

▲本社啓事二

本報每月出版三期如有願登廣告者價極從廉用表歡迎價目表填附册尾

▲本社啓事三

各界諸君有介紹本報告白者本社給予二成酬金但此項告白於交稿時須連同所需刊費交齊方准照登如關於名譽或其他重要事件者須覓保及介紹人完全担保以免糾葛



目錄

●選論

商業教育宜注重調查實習

●國內要聞

反對四路大借款

東報仍鼓吹東路共管

王法長與外報記者談話

魯人不信任王督辦原因

旅滬民黨反對陳炯明

政海彙錄

●專件

目錄

李垣對接收外蒙意見

●來件

省憲制定前應研究之問題（蘇質彬）

●雜載

讀書隨筆（顧文仲）

吳阿明義行

縹緲零語

二若村農聯話

●瑣聞

民事訴訟律施行矣

財政廳仍遷還省署院內

奉國文專修科歸併吉法校消息

請緩十年大租未准

禁止江干沐浴



選論

●商業教育宜注重調查實習

商業教育固教育之重要問題也自二十世紀以降海禁大開世界各國互通有無商業因之而起商業愈盛則競爭愈烈優勝劣敗必然之結果也今日各國商業發達者如英美日法諸國其普通智識固已較他國人爲高其商業智識亦非他國人所能及今日我國商業失敗之情形已不可勝言豈可坐視之而不圖挽救挽救之責固吾人所不能辭挽救之道其必以灌輸商業智識爲第一要務矣我國往昔素抱賤商觀念以爲商業可不學而能其思想之荒謬已可不攻自破然當先事掃除淨盡而後再提倡職業平等使我國人腦筋中覺商業與其他職業並無高下而樂於從事則商業教育方可有實施之餘地考商業教育在世界各國教育發達最遲此由於商業發達則農工業發達之後必先有農業之出產品與工業之製造品而後有商業之販運品農

工業各自需要其專門之智識因而有農工業教育之發生商業何獨不然英美日法諸國創辦商業教育不過爲近二三十年間之事教育經驗比之他種教育較爲幼稚成績亦未能十分圓滿至我國創辦商業教育則更在近十數年間故教育方法及其他一切專門問題更無何等之經驗與研究且我國情形與他國不同人民思想尙未轉移商界固守陳規此實教育家與商業改進家之一問題也然教育事業貴在勉爲其難惟以我國情形論有賴乎改進者甚多既不能一蹴而幾則當先及其重要者竊以爲商業教育中之調查問題及實習問題爲所當注重者

商業與文學性質有別商業在實踐文學重理論彼研究文學者若僅就書本中從事猶不免嚮壁虛造之弊况研究商業乎研究商業者一方面固須就書中之學理加以討論一方面則須就考察市場之實况以與書中所云者互相比附商場中變化多端交易方法種種不一一切制度組織等又隨事業之性質與時間空間而變遷若非實地觀察焉能使所學者應用於實際然就此點論之亦有主張反對之議論者其說謂研究商業應從其根本上着手根本者何學理是也學理可以顯明一切變化之規則商事雖至複雜而供給與需求之原則足可以表示一切物價高下之因果效率主義

足可以爲經營商事之方針果能於學理方面研究有素雖遇至難之問題皆可迎刃而解且就我國情形而論普通商人智識未開對於商業學生要求實習則概行拒絕調查則更無真言以對如此調查實習非徒無實在效果且足貽誤學業也故宜專門注重學理方面而不必從事調查與實習此種主張亦能自圓其說惟單究學理而不欲與實事接觸終不免有所隔闕至將來由學校畢業投身商界亦必不能了解商情卽就反對者所云調查與實習就我國今日之情形不能收效然亦不可因此而抱消極主義正宜竭力提倡實行試辦卽一時不能得圓滿結果猶可期收效於將來也余個人意見似學理與實際（指商業是在情形而言必須調查實習而後能得之者）兩方並重蓋實際不能脫乎學理之範圍而學理又不能離實際而獨立也商業教育果能準此辦理或亦事實有所裨益乎

前自商業教育之性質而論宜並重學理與實際兩方面卽一方面致力於課本可於學校中得之一方面致力於商界之實在狀況須於商場中求之兩方並重藉可互相考證然自學校之性質觀之則稍有不同今日學校中之有商科者大學校中有商科高等師範學校有商科中學校有商科職業學校亦有商科其他更有專門之商科大

學校商業專門學校甲乙種商業學校及商業補習學校等學校之性質不同則其教育方法亦應稍異大抵商科大學與大學之商科及商業專門學校以其所造就之人材多求其能促進商業制度及經營方法故足為商界之領袖觀於商店中之為經理者未必即善於記帳而帳簿之結構則多能洞悉無遺且商店之生命悉操於經理之手是故此等人材必能於學理方面研究有素方可勝任此高級商校及商科等造就此等人材者則應偏重於學理也至甲種商業學校以下之商業學校與商科等則不然其目的在造就商界之普通職員其所管理者為日常發生之實事其日日與帳簿商品等相接觸必須行之甚熟而後能發生效率至其事業之全體亦不可不知否則真如機械矣故此等人材必須具有實在技能此甲種以下之商業學校與商科等造就此等人材者則應偏重於實際也至高等師範學校之商科專以造就甲類商業學校之教師為目的自應並重學理與實際更無贅言矣

就其實施言則凡商校與商會之預科者固無須調查實習即其無豫科者其第一年亦無庸調查實習因按之教育原理第一年究宜先有常識以為專門研究之預備而得受指導毫無把握縱令調查實習所得亦寡故殊無足取也

未完

國內要聞

●反對四路大借款

江蘇國是會議昨日通電各團體反對邇日盛傳之四路二萬萬大借款云各團體鑒頃致北方政府一電其文曰北京總統府國務院並轉各部公鑒改革以來迭經世變政府乘機引用僉壬濫舉國債以遂其植黨營私之計財政紊亂至斯而極當此歷劫之餘承其後者正宜及時整理力矯積弊財政前途庶有轉機乃近據各報喧傳又有以京奉京漢京綏津浦四大鐵路向四國銀團抵借二萬萬元之舉美其名曰統一借款夫九六公債已爲世訾前此全國商教聯合會亦既派員偵察揭奸發覆昭告國人意謂經此申警斯風或可永戢不圖執政尤而效之變本加厲債額之鉅爲前所未有陽標統一之名陰途濫費之實此而可忍孰不可忍歷考從前借債何一非巧立名稱以掩衆目款一入手轉瞬卽已耗盡毫末歸諸實際以此相例何以自明徒增人民之

負擔喪全國之路權此吾人所絕端否認者政府果有理財之誠意當先求財政公開與人民以實行監督之機會尤當審量出入嚴實支配永絕濫借外債之緣統籌開源節流之方一捐一滴期於共喻幸勿輕蹈故轍必欲以借債亡國而後快也臨電激切貯候明教中華民國八團體國是會議國民監督財政委員會事關國脈希卽一致主張中華民國八團體國是會議國民監督財政委員會啓

●東報仍鼓吹東路共管

大阪朝日新聞東京電話云一俟西比利亞撤兵實行後同時中東鐵路之列國共管問題究竟如何亦爲一重大之問題蓋此問題與我日本有直接之影響也要知該鐵路之共管一事其議並未廢止一俟撤兵以後必要之守備既放棄則就事實論管理必十分困難其結果自不能不由列國與我國一同伸手此事在鐵路省已就共同管理之現狀並撤兵後之處置方法研究致電所派之共同管理委員渡邊枝師令其急歸而渡氏現正首途將歸矣至主張共管之美國一面其態度之如何是亦於我國在西比利亞撤兵後當然不可不觀察以意推之或以當初之聲明爲基必於我撤兵後高唱純然之國際管理然則於斯時也我國對之將用何種方策對付之是雖不得而

知然不與守備相伴而欲行純粹之國際管理此事果可行否頗屬疑問而我國此後因之而對於南滿之設施立於不易處置之地位矣且無論與赤塔政府之協定如何對於直接赤化之侵入其不安可預想又關於中東南部哈爾濱長春間之鐵路管理亦恐不可不有新覺悟如管理局長史蒂朋氏未必不於實際上提倡南滿鐵路之共管提案故中東鐵路之列國共管問題爲當今最宜注目之一事也

●王法長與外報記者談話

某外國記者於前日往司法部訪總長王寵惠博士詢其對於新政府所抱之政見王氏對於現時南北統一頗抱希望其言曰新內閣地位鞏固足堪應付種種問題以待八月一日國會正式開會此種國會爲惟一之合法機關堪爲制憲之用舊國會如能使行臨時約法之職權選舉總統制訂憲法則政治上一切問題不難迎刃而解至於財政問題王氏析分爲二（一）關於暫時政府經費之維持王氏謂祇籌一二百萬元即可敷衍過去（二）關於財政之整理改革事宜王氏謂此項問題辦理稍覺困難必須如何着手方能使各省按時照解款項藉以維持中央政府如欲達此目的非另籌徵稅新法不爲功今日中國無論貧富所稅無甚差別外洋適得其反中國厘金行將

撤廢關稅遞增各省解款辦法亦必大加整頓如是即不借外債中央自可生活而有餘司法部未發薪金迄今已有數月鄙人（王氏）甚望政府力行減政各機關有所節省本部自易維持本部警本京附屬各廳獄每月只需十三萬元外省廳獄等概由各省地方籌款維持中國司法事宜亦擬大加改良其他機關如欲剷除昔日積弊必須先施破壞政策惟司法一部現擬從事建設此種計畫非由編制法典入手不爲功此事進行已有數年之久以期司法之改良該記者又詢以大理院審訊案件與日幾何方能判決王氏謂平均每案不及半年即可了結美國每案果能於六個月內判決即屬迅速中國司法部目前最重要之問題當爲如何籌備廢除治外法權履行華府會議之條約列強前徇中國之情國際委員會召集事宜已允屆期一年庶可予中國以時日以便蒐集各項表冊及應提之案件此項會議中國方面無論提出任何事項自當詳細討論一年即可竣事王氏又謂中國通商口岸遍設外國法庭處理外人案件中國早已提議擬將外國法庭廢除凡關外人案件由中國法庭處理之此種制度始於暹羅該國治外法權廢除後即行此制頗著成效此種特別法庭應設於通商口岸處理案件時兩造如欲外國律師亦可准其出庭爲時既久（王氏以爲十年或十五

年一特別法庭可與普通法庭歸併如是則可脫離外國干政之事暹羅國特別法庭成立十年後即改爲普通法庭至於中國之審判官品學兼優均堪勝任彼等皆爲大總統所選派卽不然亦由保荐而來者大理院之組織分爲六庭關於刑事者二關於民事者四凡應處死刑各案由院長審查之每月各省前來案件甚多大理院事務因之亦甚繁雜近年來時局雖有不靜除廣東外各省案件送入大理院處理者時有所聞統一後凡廣東大理院所審不合法之各案當必一一轉訴於北京大理院矣王氏未謂華府會議中國所得之利益卽列強保障中國之領土完全列強不得再爲違犯蓋從茲以後中國境內無論發生任何事件中國既與列強處於平等地位任何國卽不得加以干涉此種國際新生活之基礎如能鞏固國會制訂憲法治外法權再行廢除則中國國是自有種種之進步此鄙人之所以抱樂觀者也云云

●魯人不信任王督辦原因

華府閉幕魯案接收問題發生以後山東人士對於督辦人物非常注意其時王正廷博士以顏惠慶之推荐而博得督辦一職山東各界震於王博士之大名以爲博士爲巴黎和約拒簽德約代表之一當必有以慰全國國民之渴望而爲魯省謀幸福故於

王博士接任之時頗表示劇烈之歡迎不料數月以來希望盡成畫餅而昔日爲各界所歡迎者今乃成爲輿論之矢的其原因不止一端略爲敘述如次

王氏被人攻擊之第一主因即在用人問題王氏用人之最不滿者有三人一爲調查部長袁良袁爲徐世昌之乾兒無惡不作有口皆碑所謂知識經驗更談不到不知調查一職關係最爲重要將來交涉估價卽以之爲根據袁氏擔任之後乃盡抄日人之帳目一字不易以此種調查作藍本中國將來所受之損失當何如現山東各界對於此節已去電王氏一致反對要求立即撤換袁良另行確切調查二爲交涉委員何宗蓮當王氏未曾請定交涉委員之時山東各界即要求須在魯人中任用一二人取其熟悉當地情形不爲日本所欺瞞不料王氏口雖允許而委員發表之後所謂任用魯人者乃爲何宗蓮何本武人且已老贖於地方情形毫不熟悉不知王氏加以此項重任果何居心魯人以王氏欺人太甚於是反對空氣更覺劇烈三爲膠濟鐵路公司籌備處副主任張福運籌款贖路全國屬目王氏任朱庭祺爲公司籌備處正主任已覺聲望不孚不能使全國國民信仰然朱在滬甯鐵路任事多年於鐵路方面經驗尙富爲實事求是起見猶可說也若副主任張福運則更無可取張在美留學係攻法律歸

國後會任交通部外交科長新鐵路方面知識經驗兩俱無之僅因張爲魯人而現在之交通部總次長以及路政司長皆爲魯人並奔走其間甚爲活動爲討好起見加以此項任命至鐵路本身王氏固絲毫未會加以審察現魯人對張氏亦已預備反對將通電全國否認該項籌備處以上三人最爲魯人集矢之的此外之不孚人望者更不可勝數

用人問題之外次則爲手面太闊督辦公署規模之大較山東督軍署有過之無不及也所謂顧問也諮議也應有盡有月享巨俸按時致送親戚故舊皆居高位故前定經費月四萬元近則支出之數增至七八萬元之多預算已不敷分配王氏已函請國務院追加以王氏現在之地位而論國務會議席上當然全體通過然聞上海方面各界呼號奔走學生遊行會也商界演講會也精疲力盡儲金所得僅有四萬餘元乃不足王氏一月之揮霍小民血汗不足惜獨奈魯路將被犧牲何

●旅滬民黨反對陳炯明

廣州探送陳炯明君鑒巧電責足下討賊自效頃閱報載足下皓日致伍省長電主謀顯然甘絕於民通敵陰謀一朝事露此非獨爲護法妖孽及民黨敗類而已世道人心

至是而漸滅以盡義憤在人吾黨尤劇僕等此時唯有合請元首督帥義師申討逆叛豈屑於足下更有言說顧不教而誅古人所慎莠言笑聽端頰辭闢足下謂保粵地方保孫令譽言之不忤亦何無恥至此叛軍擄掠淫殺地方則固已極糜爛矣足下於何保之孫公名高中外當世已夙有定評足下何物而來相保至謂護法目的已達違心泰甚試爲足下一畧陳之黎氏任期早滿非常國會暨盧何諸公通電言之綦詳黎氏亦自承無有所諱足下竄伏惠州豈無聞見至舊會恢復果有誠情其機關固儼然開會廣州何至舍此不迎翻以除名之王家襄輩及經濟調查局喪失資格諸人冒竊名義違法濫竽議員不足法定人數而遽已擅使職權天下有識孰不齒冷此徒吳佩孚欺罔國人之行足下勾結附和自貶人格抑何可賤更謂援贛少征喪師諱敗不圖夢囂至於若斯贛州久下全省震驚此雖陳光遠蔡成勳不能矯誣謂勝二陵蹇叔擬不於倫足下此次謬舉或卽誤於此類傳聞曹吳誘惑昧焉不察鑄成大錯百世蒙羞近者李許諸將全師以歸赫然衆怒滅此朝食足下今日應悔昨計之非而已遲無及矣又謂非常國會擅舉總統變詐翻復尤駭聽聞足下不當身兼四職委任悉出所謂擅舉之總統者乎旣已謂之委曲求全於前矣此時何嫌何疑而不安之得母利已則巨

屬戾已則敵仇乎惡例之說愚惑可閔須知所謂非常國會者卽法蘭西革命時之前例而總統卽拿破崙之比獨孫公不爲迪克推多猶爲此善於彼耳革命者所以濟政治之窮不得已而爲之凡百皆與平時絕異其例安所得善惡而各舉世滔滔闇於常識者之云也國事可了則了孫公前日宣言已掬誠與天下共見所爲殷殷致慎者徒愛護法律之不可僞托武力之不容妄展烏有所謂不肯放手如足下以小人之心相度者建設大業孫公本有舍其誰之概亦其學識資望海內賢傑舉不謂非足下何率昔因已虔恭翊戴此諺大之妄人及其准與辭職而始爲是誣讟之談也足下旣已躬逆爲逆叛十五之夜且將欲得總統而甘心操莽之兇見諸民國區區謗讟之詞在足下尙猶和平仁厚以此見督亦云過矣頗聞秩老覩足下梟獍之言憤鬱以死而足下嘗去精衛君武諸人謂部下有違總統命者足下將自殺以明赤心今不獨違命且公然爲逆矣足下覩然苟生豈猶有待節鉞之誅乎抑將戴此厚顏稽顙北庭而爲丁公之續也嗟夫釜底游魂若足下者而僕等乃反覆愷惻諭教以不及失言之愆僕等爲知罪也楊庶堪張繼柏文蔚黃復生盧師諦馮自由蕭萱宋輯先彭素民林業明暨旅滬蘇皖贛浙直魯豫粵鄂滇黔湘川民黨百六十人啓

●政海彙錄

△董康對財政只能敷衍 董康出長財政尙無具體計畫宣布實則董氏毫無計畫可言日來所經營者不過目前必不可少之經費問題據聞董氏預算每月政費及近畿軍警費三百餘萬元祇要能夠維持至年底就可不必擔憂屆時增加關稅已經實行以鹽餘抵押之小借款亦有一部滿期即騰出充作經費必可夠用至維持目前之辦法除每月尙有鹽餘一百餘萬外其他毫無着落故董氏極力運動展緩庚子賠款此款每月亦有一百餘萬倘能辦到則年內亦可免強渡日此董氏最近敷衍之計劃也至九六公債券一項則以各項小借款萬不能圖賴故有發行之決心不過換一名稱以避攻擊云

△高恩洪不敢再得罪教育界 高恩洪以各方攻擊近頗與教育界聯絡昨已將日前取消交部教育協款案自行回復維持原案並發出入校教育經費十二萬元但高氏於辦理此二事後即提出教育總長兼職辭呈云

△饒漢祥不就公府秘書長 饒漢祥於日前到京後對於公府秘書長一席仍表示絕對不幹之意謂此次來京不過因黃陂盛意難却外面復盛傳聞意見之說故勉強

來京秘書長一席決不敢就當在僑務局爲總統效勞黃陂仍由意勸勉饒尙無允意不過以黃陂屬望之殷恐饒殊不易脫身至僑務局總裁一職大約可於此一二日內就任云

△任命西南省長尙未到時機 日前因粵局中變一般人想乘機任命西南省長以便表示統一之局勢有幾分成說聞政府建議者亦多故一時亦甚爲哄傳茲據一報告云黃陂復職後西南疆吏直接來電默與承認者卽爲四川之劉湘現黃陂已得保定同意任命劉氏爲四川省長惟多人以川局尙未平定此令草率先發恐惹起他項糾紛故此項命令又因而中擱聞其他陳炯明之長粵袁祖銘之長黔亦恐倉猝從事多招紛歧其命令均須稍紓發表云

△胡軍暫緩援贛說 保定方面消息駐順德之陝軍暫編第一師胡景翼原有遣派援贛之意茲聞胡氏向保定方面陳說個人願告奮勇出師平定贛南曹吳以對贛事可和卽和不主張出兵况前此外間張鈞援贛之風說已引起贛人之疑慮故不欲再現此種事實現已電胡婉阻但謂如江西事到最後之不可和時再勞執事統一軍行云

△張紹曾讓陝西省長於于右任 張紹曾不赴陝任曾託人向吳使表示願隨赴洛陽幫同練兵並於前日電呈中央乞以于右任長陝惟當局對於張之建議尙在考量是否如此發表尙不可知也

△陸榮廷返桂將有新頭銜 陸榮廷活動回桂已非一日近已南下昨據政界消息政府以桂省情形異常複雜軍隊猶不一致擬派陸氏爲廣西檢閱使對於廣西軍隊加以精密檢閱以爲裁兵之先聲如不生阻力此項命令不日可望發表云





專件

●李垣對接收外蒙意見

上國務院呈 呈爲收撫蒙疆謹陳管見請示機宜仰祈鈞鑒事竊垣於去年十二月念八日將籌備交還庫恰會議情形開具節略據實陳明在案惟斯事體大頭緒紛繁有不能已於言者茲乘籌進行之際約舉數事敬爲鈞院剴切陳之今欲規蒙人之向背當先述蒙政之良窳在前清時代蒙古諸部內部行政皆世襲之酋長與喇嘛行之中央政府惟事監督向不干涉故彼往往悖於法度而不以爲怪其地遼闊數千里既多沙漠交通弗便欲謀政令之普及良非易易而各盟旗政治或又以意爲之外蒙四部中每脫離清制之範圍有一己之便而專斷行之者有受外來之刺激爲俄人所煽動而改變舊習者撫今追昔是彼舊日之法規已完全放棄在我撫綏之方畧久已怠荒延至清廷歸政民國成立遂有迭次之變時而撤銷自治時而脫離中央雖由黨匪


勾結外人其事可惡亦因蒙民困於虐政無所呼籲其愚可憐此對於蒙古情勢我不能以化外視之者一也自庫倫失陷以來顛末情形難以殫述擇要言之先是俄舊黨意不得逞以外蒙爲尾閭滋蔓愈廣遂欲囊括全蒙以新造一帝國彼國新黨之建都於西伯利亞者也爲其主義兩不相容赤塔政府乃出兵庫倫勞農政府從而助之不惜侵犯我領土逐恩琴而占有其地於是蒙古革命政府始出現於外蒙舊黨知其不敵乃東奔西竄或潛伏於海拉爾附近及滿洲蒙邊一帶或分擾阿爾泰山與新疆邊境當時我國始議出兵繼而中山旋由改從招撫入手於奉天召集內蒙王公大會所提議案不外宣慰宣撫勸其歸順中央驅逐俄黨如王公盟旗之投誠者一律加進爵科云云然實力不至空言何補荏苒經年愈難收拾今則蒙古政教且將分離蒙政之勢力不操縱於活佛王公而操縱於依附紅軍之青年蒙黨彼中改革一切取法俄國偏重勞農主義如火燎原不可嚮邇其勢駸駸將及我矣我從前倚賴黃教羈縻之術既失憑依今日對抗紅黨侵犯之方又鮮實力然則坐視萬里蒙疆淪於異域寧有是理此關於俄人藉故侵畧不能不設法以圖之者二也前年恩琴侵入庫倫日本所以從中援助者厥有二端一欲扶植俄國舊黨使與新黨抗衡一欲以外蒙爲舊黨之巢

穴陸續進兵徐圖大舉以遂其席捲滿蒙之計畫東西俄知其如此故不顧內難從事外侵因演成今日拒虎進狼之蒙局現在大連會議既經破裂日本再助舊黨大舉之消息又見告矣此次勞農代表來京雖別有深心非無希望於我我若不乘此時會急起直追倘蒙事再變不能反還於俄人又焉能反還於日本此關於強隣陰謀不能不兼顧者三也前此庫恰失守垣日觀情形至爲悲慘計所受軍事損失公家財產約計四千餘萬元而私家損失亦在二千萬元以上當時軍民數萬人皆屯集後地交通既異常阻滯糧食又供不應求我華商之死於斯難者不知凡幾據稱露宿於外者約二萬餘人大雪凍死者亦以萬計迨至秩序稍定又復暴斂橫征其活佛王公皆失自由凡遇稍明大體傾心內向之王公或殺或逐鮮於倖免近來華商之不服其主義者貨物充公悉皆下獄以致怨聲載道且商家每戶須供養紅軍十餘人人思援救如望雲霓於是蒙民有組織維持會運動內向之傳說卽彼新政府首領如勃多等亦備文書來稱不願再起釁端惟中蒙之間如何措置甚爲躊躇等語已情見乎詞此關於華商困苦顛連不能不救濟者四也綜此項復有二難其一中俄會議之難期效果也夫外交事業無兵威以爲後盾則徒託空談今勞農代表要求兩事垣前此所陳節略業已


言明我皆未便輕許而彼代表乃託故支吾不欲開議窺其用意深畏舊黨彼若能結好日人則必舍棄吾國去而之他按之從前反覆食言已可概見特因勞農主義究與日本大相鑿柄乃轉而聯我並可傳播其過激主義由此以觀此會專尙口實無濟於事彰彰明矣其二庫恰交還之尙多窒碍也蒙邊綿亘數千里我無術維持則時虞反側還如未還向使新黨卽去舊黨復來將無以見信於外人又何以折服夫蒙古方當國家臨危之際財政奇絀願此失彼此垣受命以來所爲日夜焦思繞室傍徨而不得一當者也故爲今之計收撫蒙疆如用武力對待似宜慎簡知兵大員帶兵前往駐屯一面要求新黨撤兵一面肅清舊黨增防設治從事善後此一策也又如用他法懷柔應派專員分途前往游說與蒙執政人員開誠布公悉泯猜嫌令彼速派代表來京與我另行接洽俾情勢罕並庶免爲外人所愚弄且可抵抗俄人要求三方協約之危害雖交通梗阻往返稽遲但較之束手坐視聽其變化或差勝一籌此又一第也然垣猶不能無慮者凡舉大事固應有一定之方針以垣愚見從前三方協約旣失效力此次會議碍難容許蒙人加入自相矛盾再貽後來之大患究竟政府對蒙方針若何應否允許外蒙之自治抑或照從前約定六十三條情形辦理瑟後懲前間不容髮總之此

次籌畫原則釜底抽薪免爲外人之口實應請鈞院提出國務會議速定方畧指授機宜俾垣籌備進行有所依據以保疆圉而重外交所有聲明蒙古與日俄華商關係及擬具收復蒙疆辦法各緣由是否有當理合據實縷陳敬請訓示祇遵不勝屏營待命之至謹呈國務總理李垣上外交部文敬畧者接奉大部電開悉現在義大利日頰亞會議已提及俄國各項問題將此事一種辦法亟盼台從迅卽來京與勞農政府代表作最後之談判以爲提案之地步該會會期甚短尤望卽日落臨免失時機並先電復爲要等因垣遵卽回京先赴大部請示機宜業於四月念六日午前與俄勞農政府代表巴伊開斯作最後之談判除雙方談話另有記錄設陳外惟事至今日彼勞農代表窺知我國家多難鞭長莫及庫恰事宜彼正欲乘我之危公然侵畧以垣愚見此時治標之法厥惟兩端（一）外蒙代表所以裹足不前者一由中蒙感情隔闕二由俄黨挑撥其間此次巴代表聲言急願中蒙問題早日解決惟蒙人代表如來恐被危害垣謂彼來能擔保絕無危險巴氏又稱旣如此願電達莫斯科轉催外蒙代表迅速來京會議等語據此似宜召集外蒙代表來京開誠布公解決一切問題而庫恰善後辦法方能繼續進行所慮者勞農政府旣屢次失信難保巴氏之言非陽奉陰違且外蒙代表

之來又不知見於何日守株待兔恐非計矣（二）日奴亞會議會期雖促我若能趁此提案預爲地步亦或有益於蒙疆因該會趨勢勞農俄國頗獲反動之便我如不言則各國以我爲放棄而片面之詞又易淆觀聽邇來巴伊開斯對我政府所以邇涉驕慢者職是之故諒在洞鑒以上兩端皆躊躇再四因時制宜究應採取何項或兩項同時並行事關外交重要未敢緘默理合繕具節畧抄錄此次訣判言詞一並陳請衡奪訓示祇遵敬頌勛安伏惟亮察



來件



△省憲制定前應研究之問題

（蘇質彬）

省憲爲一省之根本法初次制定宜乎詳審欲速不達理有固然故欲求省憲之適宜非集合全省民意詳加討論不足以昭鄭重而臻精密詎可急急求效草率從事乎茲擬應行研究問題數則以貢獻吾吾省父老昆弟之前尙冀碩學鴻儒匡其不逮實所願也


（一）權力分立說 立憲國家以權力分立爲基礎一千七百八十九年法之人權宣言書第六條云權力不分立不得爲立憲國家厥後權力分立遂爲立憲國普通之原則其程度雖不盡同而其說實無例外中國宣布立憲已逾十稔不特三權未能分立憲法未能制成即臨時約法亦旋用旋廢尙何權力分立之可言今政府繼徐而興鑒專制之不應存在首倡廢督裁兵之論各省自由制憲聲浪因而宣傳日盛蓋人民受

專制政體之壓制均願以法律制裁勢力不願以勢力左右法律也雖然制定省憲之前應先研究權力分立之真意權力分立者非指作用而言作用分立專制國亦同國家作用之複雜以一人而總其全部實際上所難能故無論何國家必分其作用之種類使分掌各機關專制國各機關惟事實上分掌之非有法律上之分立其君權無限立法行政均依最高機關之意思行之依最高機關之委任以處理之權力並未分立也權力分立者何即機關分立以除專制政體之壓制耳凡國家權力皆依自然人而行若任少數人掌握其全部則濫用而無制限其結果必至於專斷致失人民之自由欲保人民之自由不使其權力專屬諸少數人之手而令別種機關各有獨立權能申言之權力分立主義謂國家之權力不總握於唯一機關之手而國家權力分掌於獨有地位二個以上之機關也今之唱聯省論者認明各省一省爲自治單位自行制憲其宗旨固在乎權力分立然而國憲省憲其權力又有互相牽涉最難解決之困難聚訟紛紜莫衷一是甲派則主張應先有國憲而後有省憲方可見某某權力爲國權所賦與乙派又主張聯省自治中央之權限爲各省所讓與應先制省憲俟省憲完成後各省依照本省憲法組織省政府之省議會舉出國憲起草委員組織會議再

制定國憲以上甲乙主張固皆言之成理惟與普通立憲國家權力分立主義精神不盡符合其性質尤與美德省政府情形不能盡同要之皆爲省自治權中所應討論之問題何取何從此不能不研究者一

(未完)





件



雜載

●讀書隨筆

顧文仲

莊子曰人有畏影惡迹而去之走者舉足愈數而迹愈多走愈疾而影不離身自以爲尚遲疾走不休絕力而死不知處陰以休影處靜以息迹愚亦甚矣嗚呼古今來之聖賢君子十不一成者其以此哉彼以爲有影迹則天下得以知我道德仁義而聽我學我化我矣不知惟有影迹而天下得以知其爲聖賢君子而懼之嫉之陷之矣蓋天下善人常少小人常多也世有僞君子矣我願僞億小人矣內君子而外小人也則天下無從知我或且喜我我於是隱隱以進綏綏以爲其有成乎其卽所謂處陰處靜者乎

●吳阿明義行

山陰吳氏世居州山山爲西南望族內外兩莊風俗淳樸有吳明者病不能業農日操馘船爲業而貧不自給妻鄧頗習女紅爲人作嫁以是得繕挂無內顧憂夏日舟泊柯

鎮以招客終日無問者日暮徒倚將歸忽一客戴笠喘奔至求附載既解纜問所往自言蔡堰張氏貧傭吳下者數年知家人餓瀕死來歸視耳今晨東渡行七十里足重躡願少息語畢卽側身臥及蔡堰明呼之起皇遽登岸明歸擗擋舟艙瞥覩一小囊檢之得番銀三十心知爲張物也挈歸示妻且述張語鄧嘆曰張氏死矣夫涸轍數年驟得涓滴徧室喜慰忽傾囊失去驚傷痛迫必無生理君不可不活此一家明色動諾之詰朝過張見張面如鬼目眦熒熒出囊示卽亟拜明擲付之張欲取半相酬明笑曰某若艷利今不來矣始得君物心亦貪之後與吾妻言大不忍急資至以相慰吾且去張曰子活我我何以報因問君有子否曰有子十一齡矣張喜曰吾有女年相若當遣爲君家婦明日姑謀之歸以語鄧鄧曰反金而質其女是要之也彼旣請昏吾蓄十餘金子稱貸而益之以納聘焉可明乃措二十餘金致諸張成禮而反

論曰窮視其所不爲貧視其所不取世稱裴晉公還帶一事傳爲美談夫得之士人不難得之食貧者難得之丈夫不難得之鄉曲之女子自食其力者尤難天其佑啓吳氏與一念之仁明神鑒之其子孫必有興者吳明從諫若流赴義若渴取懷以予相與有成其亦有過人者乎

●縹湘零語

荆溪邵氏自半江後有詩民治山二先生詩民以學勝治山以情勝求之古人詩民近朱子治山近楊誠齋皆有得於詩之道者詩民有同杭二玉至戈旗訪光升有道於古梅清沼間不遇云修林中斷忽成邨披薄新篁葦掩門賦就焦山橫四壁夢餘秋水落層軒茶鐫烟老聲初寂鳥路風便影自翻惟有古梅知客意待君清沼月黃昏格高律細一氣渾成治山別都門諸子有句云橫浦月明樵喚渡碧天江影鴈爭秋詩意如畫又有漫成一律云千里溜塵兩鬢霜歸來三徑未全荒經書有味清宵短絲竹無聲白晝長簾月透窗冰簟潤蕙蘭侵硯墨花香小橋最好垂垂柳搖曳秋風送早涼亦清婉可誦治山自題詩稿曰楊誠齋之言曰格調是空架子鈍根人最爲藉口周櫟園之言曰吾非不能爲何李格調以悅世也但多一分格調必損一分性情故不爲也玩二公之言可讀治山詩矣此治山自道語於此可見治山服膺宋賢之深

●二若村農聯話

荆溪某孝廉前清季年曾任某州學正其父以吏員起家筮仕江西爲某縣令罷官歸構華屋居之居然閥閱世家矣孝廉有子翩翩年少締姻於某大姓迎娶有日矣會有

好事者宣傳新郎乃天閣大姓聞之頗有悔婚意媒灼窘甚不得已令新郎沐浴薄而觀之羣疑始釋成婚之夕孝廉爲撰一楹聯曰好事多磨畢竟難磨真好事登科有兆卽今預兆大登科亦近代結婚中一段趣史也





瑣聞

●民事訴訟律施行矣

吉省各級法廳對於訴訟程序向以各級審判廳試辦章程爲準茲以去歲七月一日所公布之民事訴訟律(原訂八月初後一年施行)已屆施行之期自應改用民事訴訟律以昭畫一陳高等審判廳長特於日前通知所屬各廳庭以及監理司法之各縣知事知照云

●財政廳仍遷還省署院內

吉省軍事當局爲易於控制起見擬將督軍公署遷往長埠一節已早誌報端茲據確實消息云督軍署遷往長埠後所遺房址仍由財政廳遷還以復舊觀至財廳遺址則爲吉長鎮守使署及督軍署駐省辦公處分佔云

●奉國文專修科歸併吉法校消息

奉天國文專修科以經費困難有停辦消息刻本城法政學校又接到該校來函畧謂本校行將停辦而未畢業之學生三十餘名尙無法安插據報載貴校下學期招收新生未悉能否准予收容尙希示覆等語聞姚校長收閱後當即修函答覆內容不外表示歡迎之意云

●請緩十年度大租未准

吉林縣經徵之十年大租於六月二十五日實行滯納處分一節已誌本報此後雖有公民石某請求展緩一月然并未遵照准近復由縣農會轉呈十區公民代表李世藩等二十餘名因本年匪患頻仍鄉民晝夜防範未能如期來省封納請轉呈縣署酌量展緩以蘇民困等情當經縣署批駁謂本年經徵田賦早奉財政廳令定截止期限不准稍緩由縣布告在案據呈等情未便遽轉致干駁斥仰即轉行知照云

●禁止江干沐浴

本城江灘一帶每值夏令多有人在該處沐浴稍一不慎即遭滅頂之凶加以逼近街市赤身露體尤於觀瞻不雅水上警察局長有鑒於此昨特出示禁止無論中外人士均不准在江干沐浴以重民命而維風化云

中華民國十一年七月十一日出版

第三十七期

價目表

期數	每期一冊	一月三冊	半年十八冊	全年三十六冊
定價	大洋一角	大洋三角	大洋二元八角	大洋三元六角

無論省內省外定閱本報一律不取郵資惟報費須先惠交以便發報報資用郵票者八折空函定報恕不作覆

廣告價目表

期數	頁數		全頁	半頁	半頁之半
	每旬日一期	每月三期			
每旬日一期	四元	二元	一元		
每月三期	八元	四元	二元		
三個月九期	二十元	十元	五元		
半年十八期	二十四元	十六元	八元		
全年三十六期	四十八元	二十四元	十二元		

右表列廣告費按大洋核收

主 任 關 潤 章

編 輯 關 鍾 巖

發 行 祖 繩 武

發行所 吉林巴爾虎門觀音堂內院

印刷所 吉林商務同行印刷局

